



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus II. Quid operentur conditions in ultimis voluntatibus.

[urn:nbn:de:hbz:466:1-73058](#)

in ff. & C. de condic. ob causam, vel etiam actioni prescriptis verbis, de quibus Zoëlius in tit. 5. de donationibus. lib. 39. ff. num. 64.

Not. 5. duobus modis posse modum adjici in commodum solius gravati. 1. si disponens modum adjiciens ex fine talis commodi, per modum procurandi, voluit inducere gravatum, ad ineundum contratum modalem; 2. si solū, ut eum de modo procurando intrueret, ac comoneret. In primo casu præsumitur, gravatum obligare voluisse, ad implendum onus; hoc enim suaderet ratio finis intenti; non autem in secundo; sic Haunold. tom. 3. tr. 8. num. 313. Ex quo colliges, quando in donationibus Ecclesiæ, in bujus solius commodum non exprimitur, ut revocari possit modo non impleto, censeri modum, aut conditionis præstationem, cum res in emolumenti perceptionem consignatur, non esse sub obligatione; quod maximè præsumitur, si nullo modo donatoris interest impleri modum; & idē, si Titio centum legata sunt ita ut fundum emat, non esse cogendum Titium, cœvere, Sextus Cecilius existimat. L. 71. ff. de condic. & demonstrat.

Quæres 7. quid denotet in aliis contractibus dies in illis appositus? Quid sit contractus in diem celebratus? ex dictis constat à num. 880, ubi etiam exposuimus, quando in his dies cedat; quando veniat? Non omnes contractus, etiam legitimos, recipere diem; sed eos tantum, qui naturā, institutione, aut lege, non statim habent executionem, dictum est à num. 770. his præmissis: Quæstio est, an, quando contractus est conditionalis ob diem incertum, de quo non est certum, ipsum aliquando venturum (ut in casu posito supr.) creditor habeat actionem aduersus debitorem, ante conditionis eventum? Resp. negativè; quia in tali casu dies nec cessit, nec venit; quando autem est in diem certum vel etiam incertum, sed certò venturum, secūs est (quia tunc dies statim cedit ex num. 881.) si tamen debitori actionem intentet, antequam dies veniat, repellī posse exceptio- ne, quod dies nondum venerit, extra certos tamen casus (ut si debitor res pes-

fundaret, ut veniente die solvendo non esset) de quibus suo loco.

Quæres 8. an debitor dicatur esse in 901. mora, si, postquam dies venit, in quem contractus celebratus est, non solvat? Resp. quod sic; dies enim tunc interpellat pro Creditore; secūs autem est, si contractus est conditionalis, vel in diem incertum incertitudine futuri aliquando eventus. Ratio est ex L. 12. C. de contrah. stipulat. ibi: sciat debitor, minimè se posse ad pœnam evitandam adjicere, quod nullus eum admonuit; rationem dat lex: cum ea, quæ promisit, ipse in memoria sua servare, non ab aliis sibi manifestari, debet poscere.

Præter hæc, not. 1. diem quandoque apponi posse sub terminis equivocis, v. g. Calendis Maji, vel in Paschate; ubi dubitatur, an proximis Calendis Maji, proximo paschate? quod intelligi potest de toto triduo. Resp. ubi non apponitur, an proximis Calendis? debere intelligi de proximis, ut constat ex L. 41. ff. de V. O. ibi: si non addat, quibus Calendis Maji, Sabinus dixit, primas Calendas Maji spe- candas esse. Not. 2. eum, qui sic promittit in diem: solvam tibi centum ante proximas Calendas Maji, facias facere, solvendo ipsis Calendis Maji, quia ibi ante, juridicè idem est, ac, antequam elaborantur Calende Maji; constat ex L. 15. ff. eod. ibi: qui ante Calendas proximas stipula tur, similis est ei, qui Calendis stipulatur. Not. 3. promissiones, quæ sic fiunt: dabo aliquando, dubias esse, cuius sit diem determinare? aliqui volunt, determinari, cum promissarius perierit, ex L. 29. ff. quando dies legatorum cedat; ubi dici videtur, diem venire, cum alter petierit: Lex rāmen dicit: diem cedere (hoc est, ut alii volunt) venire (nam interdum cedere, & venire diem pro eodem in jure sumuntur) cum promissor commodè poterit, & alter petierit.

ARTICULUS II.

Quid operentur conditiones in ultimis voluntatibus.

Resp. in hac quæstione de ultimis voluntatibus idem dicendum quod de de-

sationibus, & aliis contractibus. 1. si conditio apposta sit de præsenti, præterito, vel futuro necessariò, ut dictum est à num. 264. 2. si conditio sit possibilis, honesta, & contingens de futuro, juxta num. 861. 3. si sit contraria substantiæ ultimæ voluntatis secundum dicta à n. 777. hæc inquam intelligenda veniunt secundum superioris dicta, nisi limitentur in sequentibus, id, quod etiam in hac materia intelligendum est de conditionibus tacitis, quæ vel generaliter, vel specialiter insunt; quod de iisdem dictum est à n. 764.

903. Notan. præterea, contractus, qui solo consensu perficiuntur, nec ad sui essentiam traditionem requirunt; celebratos sub conditione de futuro, transire in absolutos, & perfici adimpletione conditionis; quia conditionales venditiones tunc perficiuntur, cum impleta fuerit conditio. L. hec venditio. ff. de contrah. empt. Secundò, ad perfectionem contractuum, qui perficiuntur solo consensu, licet sub conditione de futuro celebrati sint, non requiri, quod contrahentes sciant conditionem esse adimpletam; quia, si conditio vera sit, stipulatio tener, licet tenere contrahentes conditionem ignorant, ut dicitur L. cum ad presens. ff. de rebus creditis; quia non contraxerunt, si seivero rem; sed, si erit; scientia tamen requiritur ad contractus expeditionem, licet non ad ejus valorem. V. dicta in superioribus.

904. Ex hoc fit, hæredem suum posse institui sub conditione potestativa non turpi v. g. si litteris operam dederit, ut dicitur, L. fin. ff. de hæred. instit. ibi: sed ita demum testamentum ratum erit, si conditio fuit in filii potestate; quando autem dubitatur, an fuerit, vel non fuerit in potestate filii, conditionem implere, Judicis erit definire. L. 4. §. i. ff. cod. Dixi 1. sub conditione potestativa. Nam sub alia non potest, salvo institutionis valore, saltem jure antiquo: cum enim sit hæres necessarius, si ex legitimo testamento succedit, ineffaciter institui non potest, nisi ipse repudiet institutionem legitimè factam, vel nominatim exhæredetur; alias enim præteritus esset contra Novellam 115. c. 3. sed si sub alia conditione (casuali v. g.) institueretur, extra illos casus, non necessario

succederet, sine sua culpa, conditione (ut potest) non veniente; ergo; hoc intellige, si conditio casualis esset de futuro; si enim de præsenti, vel præterito, conditio ne subsistente, valeret institutio, L. 10. §. i. ff. eod. Dixi. 2. saltem jure antiquo. Nam aliqui censemus jus antiquum correctum esse jure Codicis, præsertim L. 36. §. i. C. de inofficio: ubi valet testamentum, quo extraneus institutus gravatur à morte sua hæreditatem restituere filio Testatoris. Dixi 3. sub conditione non turpi, propter L. 15. ff. de hæred. instit. ubi dicitur: quod filius in potestate Patrii constitutus, & hæres scriptus sub conditione, quam senatus, aut princeps improbat, infirmet testamentum patrii, ac si conditio non esset in ejus potestate; nam, quæ facta lèdunt pietatem, nec facere nos posse, credendum est; his præmissis:

Quæri adhuc potest. 1. an institutio sub conditione, si hæres hoc fecerit, quod licet facere potest, & se facturum præverit, impleto opere, sed omisso juramento, valeat? Resp. affirmativè; quia conditio, quæ exigit juramentum, reprobatur; & hæres ita capiet hæreditatem, qualiter is, cui nulla juris jurandi conditio inseritur, L. 8. ff. de hæredum instit. invalida autem foret, facto jurejurando; sed opere non impleto propter rationem contrariam.

Quæri potest. 2. an valeat institutio sub conditione infra in testamento exprimenda, si postea nulla expressa sit? Resp. affirmativè ex L. 8. C. cod. ubi dicitur, testamentum puram habere institutionem, & conditionum pollicitationem supervacaneam esse, siquidem nihil est adjectum, nequæ aliqua conditio in testamento posita est; quod autem dicitur L. 9. §. 5. ff. de hæred. instit. tunc pro non instituto putari, est de casu, quo testator præventus testamentum non absolvit.

Quæri potest. 3. qualiter ad excludendum substitutum requiratur, ut verificetur conditio, si institutus sine liberis decederit. Resp. requiri. 1. quod institutus decedat sine liberis legitimis, 2. sine liberis vivis, dum decederet institutus. Quare si institutus habuisset liberos, sed mortuos ante institutum, non excluderetur substitutus, ex L. 6. C. de hæred. instit. ibi notaber

aliter substitutione locum accipiente, nisi
ipsi liberi sine iusta subole, deceffirint, que
omnia & in legatis locum habere sancimus.

908. Not. præterea in Codicillis nec apponi, nec tolli posse conditionem prius adjectam institutioni in testamento. Codicillus enim nec dari, nec adimi potest hæreditas. Nam cùm quereretur in L. 27. §. 1. ff. eodem, an parentum sit in casu, quo quis hæredi, quem testamento pure institutum, codicillis scripsit conditionem? Modeſtius respondit: hæreditas Codicillis neg. adimi potest; quod tamen fieret, si pure institutio per Codicillum conditio scribi posset; his præmissis:

§. 1.

*Quid in ultimis voluntatibus ope-
rentur conditions impossibilis
naturā.*

909. Conditio naturā impossibilis est, cui natura impedimento est, quò minus existat, ut dictum est supra. Ejusmodi conditions affirmatiū adiecte ultimis voluntatibus, non vitiant dispositionem, sed vitiantur, spectato jure positivo; ut dicitur in §. *Impossibilis. Inſtit. de hered. inſtit. ibi: impossibilis conditio, in inſtitutionibus, Elegatis, nec non in fideicommissis, & li-
bertatibus, pro non scripta babetur.* Et hoc introductum est in favorem ultimarum voluntatum, quas homines malunt valere, quam non valere; unde in dubio (sic ut diximus de desponsationibus) rejiciendae sunt, & dispositio pure facta judicanda; quod merito præsumantur non apposuisse efficaciter, alligando simpliciter intentionem illius eventui, sed potius ineffaciter, nimirum sub conditione reflexa: *si tamen
possibile fit.*

910. Dubitari tamen interdum solet, an hæc vel illa conditio habenda sit pro impossibili juridice, nimirum ad juris effectum, ut habeatur pro non adiecta. Nam multæ conditions secundum se possibiles, impossibilis sunt ex accidenti, ex lapsu temporis; ut si testator disponat, *filius meus heres esto, si ducat uxorem, quod fieri nequit ex suppositione, quod sit in sacris;* & in jure interdum inter possibiles, interdum autem inter impossibilis juridice re-

putantur. Nam fidei commissum servo relictum sub conditione: *si ex testamento ad libertatem pervenerit,* declaratur nullum, si servus jam antè manumisitus est, seu ad libertatem pervenit. L. 58. ff. *de
condit. indebit.* econtra valeat hæreditas. Tertio ex testamento relata sub conditione: *si filiate testatoris adhuc vivat, esto nullam unquam habuerit.* L. 45. ff. *de hered.
inſtit.* & tamen in utroque casu conditio secundum se possibilis, solum impossibilis est ex accidenti.

In hac ambiguitate videtur respon- 911.

dendum cum distinctione: vel enim ex circumstantiis colligi potest, testatorem conditionem non adjectum, si scivissem eam non amplius evenire posse, & tamen eodem modo fuisse dispositurum? vel non eodem modo dispositurum? in primo, conditio reputanda erit impossibilis, seu non adiecta, nisi sub conditione reflexa, ut diximus supra; in secundo autem *casua-
lis & possibilis*, cui voluntatem simpliciter alligare voluerit; & ideo in L. 58. fidei commissum servo relictum non valer, quia satis ex ipsis verbis colligitur, quod ei non reliquisset fidei commissum (*si ex teſta-
mento liber fuerit*) si scivissem, jam alium de liberum esse; in L. autem 45. non curata conditio eodem modo fuisse dispositurum. Ubi vero neutrum colligi potest, in favorem ultimæ voluntatis judicandum erit, quod solum inefficaciter illam adjecterit, consequenter, *non curandam.* Et ideo tune idem dicendum venit de conditio impossibili facto, vel ex accidenti, aut lapsu temporis. Quia enim alios contraetus vitiant, in his dispositionibus habentur pro non adiectis ex dictis; sed conditions impossibilis etiam facto, vel ex accidenti, aut lapsu temporis, alios contraetus vitiant; ex num. 88. ergo; accedit clara dispositio L. *Mævia*, de qua in superioribus.

§. 2.

*Quid in ultimis voluntatibus ope-
rentur conditions impossibilis
jure?*

Seu, quod idem est, conditions 912.
turpes? Resp. conditions turpes ultimis voluntatibus appositas haberi pro non
adje-

adjectis de jure positivo, quando dubium est, quo animo sint adjecta? Ratio hujus sumitur ex dictis à num. 823. Videatur tamen ea generalis regula limitanda in casu, quo filius instituitur sub conditione potestativa turpi, propter dicta num. 848. Ulterius tamen Quæstio est, i. an, cum dicimus, conditiones turpes ab ultimis voluntatibus rejici, inter eas etiam numerari debeant, quæ secundum se possibles, & honestæ; ex parte tamen recipientis dishonestæ sunt? Nam ex se honestum est, dare pecuniam, ne quis legem violet, ne occidat in justè &c. qui tamen ut hæc non faciat, seu conditionem impletat, pecuniam recipit, turpiter agit, juxta dicta n. 850. Nam ex his pactis (promitto tibi centum, si bodie neminem in justè ledas, si nullam damnam detrabas) nulla nascitur obligatio, & solutum repeti potest, juxta L. 2. ff. de condit. ob turpem causam, ibi: In qua specie Julianus scribit, si tibi dedero, ne hominem occidas, condici posse.

913. Resp. illas solas conditiones turpes haberi pro non adjectis, quas nec Testator honestè petere, nec hæres, vel legatus, honestè implere potest. Ratio est, quia si etiam forent aliae, essent maximè illæ, quæ turpitudinem continent ex parte recipientis, licet à testatore lictè peti, & ab altero lictè impleri possint. v. g. dato centum, si bodie non blasphemaveris; at hæc non sunt habenda pro non adjectis; alias valeret hæreditis institutio, si concubinam rejecerit; licet conditionem non impletat; similiiter valeret matrimonium sub conditione, si non forniceris, esto conditionis impletio non fiat; sic enim haberentur pro non adjectis, si juridice turpes essent.

914. Præterea Not. institutionem sub conditione turpi puram esse respectu instituti, licet ei adjectum sit, ut aliis Titio instituto cohæres sit, si Titius conditionem non impleverit; nam in favorem gravati habetur pro non adjecta, ex §. fin. Inslit. de Legatis, ibi: exceptis videlicet illis, quæ impossibilia sunt, vel legibus interdicta, aut alias probrofa. Talis conditio videatur institutio, quæ parentes, qui liberos in portione æquali instituant sub conditione, si Religionem non amplectantur, sic, ut si ingrediantur Religionem, contenti sint

legitimâ. Cùm non modo repugnet modum honestati, & paternæ pietati, liberos, DEI servitium, vocante DEO, eligentes in ultima voluntate postponere eligentes servitium mundi; & sic majus illud ad vitam periculis plenam statuere, quam pro DEI cultu, & securiore salute; sed etiam divine vocationi, à qua complures hæc viâ, salem indirectè, absrahuntur, magno communiter ejusmodi animarum in sæculo periculo, & derimento neglectæ vocationis, atque adeo ne post habitâ sue salutis viâ, in aeternam damnationem ruant. V. tamen dicenda à num. 927.

§. 3.

Quid in ultimis voluntatibus operatur dies adiectus?

In dispositione per ultimam voluntatem in diem certum (nempè certò futurum aliquando, licet ignoretur, quando) dies statim cedit & venit, secundum disponentis morte, ex regula generali, num. 880. in casu autem quo dispositio voluntatis ultimæ nec diem, nec conditionem habet, dies non cedit, nisi aditâ hæreditate. L. omnia. 32. ff. de Legat. 2. ibi: omnia que testamentis, sine die vel conditione, adscribuntur, ex die aditæ hæreditatis presentur, ubi Gloss. lit. E. ante igitur non debentur legata, nec prestantur. Ratio esse videtur, quia testator in jacente (consequenter nondum aditâ) hæreditate adhuc vivere censetur. Dixi, in diem certum. Nam dispositio in diem incertum (nempè an aliquando futurus sit) conditionalis est, non in diem, ut diximus n. 879.

Quæstio est, an acceptata dispositio in diem mortis, sit dispositio in diem? Resp. si dies mortis simpliciter apponatur, sine alia circumstantia, esse dispositiōem in diem, quia tunc est in diem certum, & colligitur ex L. Heres meus. 29. ff. de condit. & demonstrat. ibi: Heres meus, cum moritur Titius, centum ei dato: purum legatum est, quia non conditione, sed morâ suspenditur: non potest enim conditio non evenire. Ex quo vides, quod licet incertus sit dies mortis incertitudine, an sit aliquando futurus? aliquando enim aliquem diem mortis Titii venturum, certum est, cum dispositio

dispositio simpliciter censeatur in diem mortis Titii.

Dices L. i. ff. codem dicitur: dies autem incertus est, cum ita scribitur: heres meus, cum morietur, 10. dato; ergo legatum in diem mortis est in diem incertum; ergo non habet vim dispositionis in diem; pat. conseq. quia, si esset in diem, Titius hæredi præmortuus, jus quæsumus ex dispositione in diem, transmitteret ad suos heredes, quod dici non potest, cum in cit. L. statim subiungatur: nam diem incertum mors habet ejus; & ideo si Legatarius ante discesserit, ad hæredem ejus legatum non transfit; quianon cessit dies vivo eo, quamvis certum fuerit moriturum hæredem.


918. Pro resolutione not. si legatarius decedat ante Legantem, legatarium jus à morte legantis, legatum cæteroquin obvenustum, non transmittere ad hæredes suos; quia nemo potest jus aliquod transmittere ad alium per ultimam voluntatem, vel alio modo, antequam ipse illud habeat; antequam autem dies legati cedat, Legatarius jus legati nondum habet, ut patet ex terminis; nam ex ipsis legibus apparet discrimen; quia in L. 79. de qua supra, dies est, mors Titii, quæ certò ventura est; in L. i. de qua in obligatione, dies est mors hæredis vivo altero, quæ non est certò futura: alias enim in prima non diceret purum esse legatum; nec in secunda, quod mors ejus, nempè hæredis, diem incertum habeat, nimurum, incertitudinem aliquando futuri, nisi in primo dies esset dies mortis simpliciter; in 2. dies mortis vivo Legatio.

919. Not. 2. hoc ipso, quod Legatio, dum vivet, dies non cesserit, si vivere deficit ante legantem, restè colligi, legatum illi factum non fuisse in diem certum. Nam ubi est contractus in diem celebratus, dies statim cedit, ex n. 880. Not. 3. legatum in diem incertum incertitudine diei etiam indeterminata (quando scilicet incertum est, aliquando talis dies eventurus sit) non esse legatum in diem, sed potius sub conditione, si talis dies fuerit; ut dictum est supr. Not. 4. legatum ab hærede, ubi mortuus ipse fuerit, voluntate Testatoris præstandum Titio, esse legatum in diem incertum, incertitudine etiam in-

determinata diei, seu incertitudine diei aliquando eventuri, adeoque non legatum purum, sed conditionale, si Titius hæredi gravato supervivat, alias non, esto Titius mortuus esset ante hæredem gravatum, dies eo vivo cessisset, contra apertam L. i. n. 917. his positis :

Resp. in calu objecto n. 917. diem esse 920. incertum incertitudine diei etiam indeterminata futuri, seu, an unquam evenier; quod enim Titius supervivat hæredi gravato, aut hic illi? omnino incertum est, igitur dist. 1. conseq. ergo legatum in diem mortis est in diem incertum, vel cum incertitudine, vel cum certitudine, diem mortis, in quem dispositio confertur, aliquando venturum C. semper in diem incertum cum incertitudine diem, in quem dispositio confertur, aliquando futurum N. conseq. dist. etiam 2. conseq. ergo non habet vim dispositionis in diem, quando dies appositus est incertus, an aliquando ille dies venturus sit, C. si tamen est certus, quod aliquando ille dies venturus sit, N. 2. conseq. Ad prob. Resp. illud legatum suisse incertum cum incertitudine, an aliquando venturus sit, quod hæres morietur vivo legatario seu Titio; dies autem, in quem dispositio legati Titio facti confertur, est dies mortis hæredis vivo Titio, qui forte nunquam eveniet, ut dictum est.

Ex hoc colliges ulterius, quando contrahitur in diem etiam certum v. g. ad festum S. Xaverii) si fiat super re, quæ non transit ad hæredes (ut est, usus fructus, & ea, quæ cum persona extinguntur) contractum esse conditionalem, non in diem; quia licet dies sic certò futurus, non est ramen certò futurus vivo promissario, quod tamen requiritur, vel ex usu fructu, vel re non transeunte ad hæredes, dies legati, vel promissi cedat, quod necessariò fieret, si contractus esset purus, atque adeò in diem; de quo v. L. i. §. fin. ff. quando dies ususfructus legati cedat. Et ideo nec promissario prius quidquam debetur, ante festum S. Xaverii; nec hæredibus ejus, si ante illud festum deceperit, ut diximus in præmissis.



ARTI-